



PRESS & COMMUNICATION DIVISION (PCD)
Ministry of Prime Minister & Cabinet
Level 4 FMFMII Government Building
Eleele-fou i Matagalalua, Apia, Samoa
P: +685 26398 /+685 63222 Facebook: @savalinews, @samoagovt

\$6.3 MILIONA UA MAE'A TU'UINA ATU MO LE AUFISAOFAGA A LE S.N.P.F.

Tusia: Tusiga Taofiga



Pauli Prince Suhren – Ofisa Sili o Pulega o le S.N.P.F.

E \$6.3 miliona le seleni ua mae'a fa'amatu'u atu mo le to'a 4,800 o le aufaisaofaga ua resitala mo le auunaga i luga o le upega tafa'ilagi(online portal) a le Fa'alapotopotoga o Fa'aputugātupe mo le Lumana'i Manuia o Tagata(S.N.P.F.) mo le latou ta'i 3%. O lea aofa'i ua faitauina, ua na'o le ulua'i aso sa amatalia ai lea fa'amoemoe.

E 16,228 le aufaisaofaga atoa ua mae'a ona resitala i luga o le online portal a le S.N.P.F. Mo le silafia o le 3% o le \$41.64 miliona ua fuafua mo le 5%, e tusa lea ma le \$25 miliona lea ua fuafua e fa'asafua atu mo lenei meaalofo.

O lea fa'amanuiaga 3% e mae'a ona tufaina fa'ameaalofo i le Aso 27 Me 2022, o i latou e lē faia, o le a tu'usa'o lava i lana saofaga e avanoa ai pe a mana'omia ona

nonō mai mo se taimi oi luma. A’o le isi 2% o le a fa’atoā tatala lea mo Tesema o le fa’ai’uga o lenei tausaga.

Fa’ailoa manino e le afioga ia Pauli Prince Suhren, o le Ofisa Sili o Pulega e 11,600 le au penisione i Samoa, o le a agava’a mo le ta’i \$50 fa’aopoopo iā latou penisione masani i masina ta’itasi e pei ona i ai le ta’i \$200, ma e tusa lea ma le \$580,000 o le a fa’aaluina ai.

I lea lava fa’amanuiaga fa’apitoa, ua fa’asafua ai fo’i ma le ta’i \$10,000 mo nisi o Fa’alapotopotoga Fa’apitoa e 13 i le atunu’u i lona tau aofa’i e \$130,000.

O ia Fa’alapotopotoga e aofia ai le To’omaga mo Tagata Puapuagātia, Sosaiete o le Kanesa i Samoa, Fa’alapotopotoga a le Nuanua o le Alofa, ‘Āoga a le Fiamalamalama, Loto Taumafai, Maota i Mapuifagalele, Fa’alapotopotoga Fa’avae Tau Fatuga’o i Samoa, SENESE, Teen Challengem Goshen Trust, Salvation Army ma le Sosaiete a le St. Vincent de Paul.